
ХАЛҚ ДЕПУТАТЛАРИ ВИЛОЯТ КЕНГАШИ ХУЗУРИДАГИ ИЖТИМОЙ ШЕРИКЛИК БЎЙИЧА ЖАМОАТ КОМИССИЯСИ ННТ ВА ФУҚАРОЛИК ЖАМИЯТИНИНГ БОШҚА ИНСТИТУТЛАРИНИ ҚЎЛЛАБ-ҚУВВАТЛАШ МАСАЛАСИНИ МУҲОКАМА ҚИЛДИ

Халқ депутатлари вилоят кенгаши ҳузуридаги ижтимоий шериклик бўйича Жамоат комиссиясининг Фарғона вилоятида нодавлат нотижорат ташкилотлари ва фуқаролик жамиятининг бошқа институтларини қўллаб-қувватлаш, давлат органлари ва улар ўртасида ижтимоий шерикликни кучайтириш, таъсирчан жамоатчилик назоратини амалга ошириш масалаларига бағишланган йиғилиши бўлиб ўтди.

Ўзбекистон Президентининг 2021 йил 3 мартдаги “Нодавлат нотижорат ташкилотларини давлат томонидан қўллаб-қувватлаш, уларнинг фаолияти эркинлиги, ҳуқуқлари ва қонуний манфаатлари ҳимоя қилинишини таъминлашга оид қўшимча чора-тадбирлар тўғрисида”ги ПҚ-5012-сон қароридан келиб чиқиб, Фарғона вилоятида ҳам Халқ депутатлари вилоят кенгаши ҳузурида нодавлат нотижорат ташкилотларини ва фуқаролик жамиятининг бошқа институтларини қўллаб-қувватлаш жамоат фонди ташкил этилди ҳамда вилоят маҳаллий бюджети томонидан фондга маблағ ажратилди.

Бўлиб ўтган йиғилишда ушбу вилоят фонди томонидан давлат гранти ажратиш бўйича эълон қилинган биринчи ва иккинчи танловлар мавзулари ва йўналишлари ижтимоий шериклик бўйича жамоат комиссиясига тақдим қилинди.

Йиғилишда давлат гранти мавзулари, йўналишлари ижтимоий шериклик бўйича жамоат комиссияси томонидан кўриб чиқилди ва тасдиқланди.

Бизни ижтимоий тармоқларда кузатинг [Facebook](#),
2021-07-16 16:39:29